



TRNOVO

Informativni bilten Općine Trnovo

Mart, 2019.



 opcina.trnovo@bih.net.ba  www.trnovo.ba



STEĆAK

Stećak mramorni ćuti govorom scena po boku,
jači od kandža kiše, povampirenja i krađe.
Njegov mjesec i sunce, što znače posmrtno lađe,
davno su prevezli dušu, vjekuju sad u doku.

Udaljili su se od njega i gradovi i sela.
Vidik mu stvore listopad i koze što tu brste.
Vjetar podsjeti lijeske, i one se šaptom krste.
Zmija mu kreće uz reljef, svoj reljef svoje sred čela.

Zašto sam došao ovdje, kad sve već ovdje piše?
Posljednju blijedu zelen s jesenjom travom dišem.
Čuj, zvoni zrelo stablo - to lijes mi teše žuna.

Stihove što još bruje dlijetom po stećku svom stišaj,
pa, uspokojen, pusti neka ih pokrije lišaj,
leži pod stećak stiha bez prevoznika-čuna.

Skender Kulenović



SADRŽAJ

Infrastrukturni projekti Općine Trnovo	4
Bjelašnica	14
Škola u prirodi	16
Naša djeca - naša budućnost	18
Intervju Općinskog načelnika	20
Općinsko vijeće Trnovo	24
Obilježavanje značajnih datuma	25
Društvena odgovornost	29
Privreda	30
Općina Trnovo	35
Život	39

IMPRESSUM

Izdavač: Općina Trnovo
Godina izdanja: 2019.g.
Urednik: Ajla Mulaosmanović
Haris Pindžo, Bajro Lindov
DTP: Haris Pindžo
Štampa: «Sabah - print» d.o.o. Sarajevo

KONTAKT PODACI

Trnovo 36, 71223 Delijaš
telefon 033/586-700
fax 033/586-705
opcina.trnovo@bih.net.ba
www.trnovo.ba

Ostali kontakt telefoni:
Općinsko vijeće
033/586-710

Kabinet Općinskog načelnika
033/586-704

Sekretar organa uprave
033/586-707

Pomoćnici Općinskog načelnika
033/586-712

Služba za opću upravu, društvene djelatnosti,
boračko - invalidsku, dječiju i socijalnu zaštitu
033/586-703

Služba za civilnu zaštitu i inspeksijske poslove
033/586-701

Služba za geodetske, imovinsko – pravne poslove i
katastar nekretnina
033/586-713

Služba za urbanizam, komunalne poslove,
investicije i zaštitu čovjekove okoline
033/586-714

Služba za privredu, finansije i lokalni ekonomski
razvoj
033/586-708 i 033/586-709

Matična i protokol
033/586-702

Pravobranilaštvo Općine Trnovo
033/586-730

Bjelašnica: Akumulacija II

Završeni su radovi na izgradnji vještačkog jezera na olimpijskoj planini Bjelašnici. Vrijednost investicije je 1,2 miliona KM, a finansijer je Vlada Kantona Sarajevo. Podsjećamo sistem osnježavanja završen je 2017. godine, a sada izgradnjom akumulacije II stvoreni su uslovi za pravljenje vještačkog snijega. U akumulaciji II se nalazi oko 40.000 kubika vode, dok se u akumulaciji I nalazi 9.000 kubika vode. Akumulacija I se nalazi u donjoj trećini staza, akumulacija II na polovini staza, a planira se izgradnja akumulacije III, koja će biti smještena kod međustanice. Uz upotrebu akumulacije i povoljne vremenske prilike zimska skijaška sezona će biti pomjerena za mjesec dana.



Asfaltiranja lokalnih puteva

MZ Delijaši

Realizacija ovogodišnjeg plana izgradnje lokalnih puteva na području općine Trnovo je u toku.

U mjesnoj zajednici Delijaš završeno je asfaltiranje više putnih pravaca u naseljima Slavljevići, Durakovići, Pomenovići i Balbašići. Sredstva obezbjeđuje Ministarstvo privrede i Ministarstvo saobraćaja Kantona Sarajevo, izvođač radova je Braća Mujić Export-Import d.o.o Sarajevo i GP Ing d.o.o. Sarajevo.

Planiranim sredstvima su izvršene mjestimične sanacije postojećeg asfalta i nova asfaltiranja, što omogućuje bolji pristup stambenim objektima, vjerskim objektima kao i mjesnim grobljima.

MZ Dejčići

Završeno je asfaltiranje i sanacije puteva u naseljima Dejčići, Dujmovići i Presjenica mjesne zajednice Dejčići. Ukupna vrijednost projekta je 89.523,03 KM, a sredstva obezbjeđuje Općina Trnovo. Izvođač radova je firma MGBH d.o.o. Sarajevo.

Asfaltirane su priključne ulice u naseljima što će olakšati kretanje i pješacima i vozačima. Stanovnici ovih naselja nisu krili zadovoljstvo zbog realizacije ovog projekta.



MZ Trnovo

U mjesnoj zajednici Trnovo je asfaltiran put Ilovice-Madžari u dužini od oko 300 metara, izvođač radova bio je Bucomerc d.o.o. Kiseljak.

Završeno je asfaltiranje i uređenja lokalnih puteva u naseljenom mjestu Ilovice, planiranim sredstvima su izvršene mjestimične sanacije postojećeg asfalta pristupnog puta do naselja.

Sredstva je obezbjedilo Ministarstvo privrede Kantona Sarajevo.



Općina Trnovo zajedno sa Ministarstvom privrede Kantona Sarajevo finansirala je i rekonstrukciju makadamskih puteva Pendičići - Barice i Pendičići - Lisovići. Izvršeno je nasipanje ovih makadamskih puteva sa djelimičnom izgradnjom kanala za odvod oborinskih voda.

U naselju Gračanica, završeni su radovi na sanaciji i asfaltiranju lokalnog puta i postavljanje drenažnih cijevi koje imaju za funkciju sabiranje i odvodnju vode. U ovoj mjesnoj zajednici asfaltiran je i lokalni put u naseljenom mjestu Bašci. Izvođač radova je GP Ing d.o.o. Sarajevo.



Javorov do

Završeni su radovi na sanaciji i asfaltiranju lokalnog puta od Prokresa prema Javorovom dolu, u mjesnoj zajednici Dejčići.

Nekada makadamski lokalni put sada je asfaltiran, urađeno je asfaltiranje na dvije dionice ovog puta. Jedna dionica je šumski put Prokresa - Čakle koji je saniran i asfaltiran u dužini od oko 400 m, investitor je Ministarstvo privrede Kantona Sarajevo, a izvođač radova firma "Dolovi" d.o.o. Sokolac. Na drugoj dionici Prokresa – Javorov do asfaltirano je oko 360 m puta, finansijer je Direkcija za puteve KS a radove je izvela firma Grakop d.o.o.

Ističemo da ovaj lokalni put vodi do izletišta Javorov Do, udaljenog od Ski centra Bjelašnica svega 2,5 kilometara, te je sada ovo izletišta lako dostupno, a udaljeno od aerozagađenja, buke i slično, te svojim prirodnim ljepotama i bogatstvima pruža mnoštvo mogućnosti za obavljanje različitih planinarskih i sportskih aktivnosti, ali i pruža mogućnost organizovanja i kulturnih manifestacija, pozorišnih predstava, a sve u planinskom i prirodnom okruženju.



Sanacija puta od Gornje Grkarice do Babinog Dola

Izvršena je sanacija dijela puta od Gornje Grkarice, tačnije od zgrade MUP-a KS do Babinog Dola. Izvođač radova je Orman d.o.o., firma koja radi i na redovnom održavanju ovog puta za period od 2017. do 2021. godine.

Za sanaciju puta koji vodi do naše olimpijske ljepotice sredstva je izdvojilo Ministarstvo saobraćaja KS iznos od 500.000,00 KM i Direkcija za puteve KS iznos od 200.000,00 KM. Preostala sredstva nakon završenog projekta biće utrošena za izgradnju šetnica od hotela "Han" do izlaza iz Babinog Dola.



Uređen prostor novoizgrađenog spomen-obilježja u Dejčićima

Na mjestu novoizgrađenog spomen-obilježja u Dejčićima završeni su radovi na hortikulturnom uređenju i na izgradnji šetnice i hajr-česme. Izvođač radova je CENTAR-HAN d.o.o Sarajevo. U konačnici cijeli prostor je hortikulturno riješen sa šetnicom koja je popločana betonskim elementima, oivičena betonskim ivičnjacima i opremljena javnom rasvjetom i klupama.



Hitne intervencije na čišćenju bujičnih vodotoka

Završeni su radovi na izvođenju hitnih intervencija na čišćenju bujičnih vodotoka. Projekat finansira Ministarstvo privrede Kantona Sarajevo. Pomoćnik općinskog načelnika za urbanizam Osman Smječanin istakao je da su sanacijom vodotoka, uređenjem korita obuhvaćene sve četiri mjesne zajednice općine Trnovo. JKP "Trnovo" je izvođač radova, kako saopštavaju iz ovog preduzeća projektom su obuhvaćeni slijedeći vodotoci: Crna rijeka, Duboki potok, potok Lužina, Katanski potok, Lađevac i Pijevac.

Zaseban projekat je uređenje korita rijeke Rakitnice u mjesnoj zajednici Šabići. Finansijer je Ministarstvo privrede Kantona Sarajevo, a izvođač radova na ovom projektu firma MGBH d.o.o. Sarajevo.



Završeni su radovi na hortikulturnom uređenju Babinog Dola

U okviru realizacije i provođenja Urbanističkog projekta Bjelašnica II Općina Trnovo izdvojila je 200.000,00 KM iz Budžeta za hortikulturno uređenje područja Babinog Dola, u sklopu izvođenja ovih radova bitno je napomenuti da je došlo do krčenja šume u cilju da se dobije prostor za staze za odskijavanje i sankalište, i da se uredi i poravnaju postojeće staze za odskijavanje i sankalište.

Izvršeno je mašinsko sječenje šiblja i drugog niskog rastinja u pojasu uređenja, sječenje stabala u pojasu regulacije sa kresanjem grana, te ugradnja humusa i sijanje trave. U sklopu izvođenja ovih radova uređen je i poravnani dio predviđen za sankalište.

Općina Trnovo zbog većeg broja posjetilaca i turista na Bjelašnici u posljednje vrijeme radi na tome da obezbijedi čisto i lijepo okruženje za sve one koji se odluče provesti trenutke odmora na ovom području. Kroz planirane aktivnosti i kontinuiran rad Općina se brine da svi građani koji je posjete u potpunosti dožive prirodne ljepote i jednostavno uživaju u trenucima odmora. Budžetom za narednu godinu planirana su ulaganja u uređenje prostora na Bjelašnici.



Komunalna infrastruktura

U toku je izgradnja komunalne infrastrukture na području od Babinog dola do Prečkog polja, iz Službe za urbanizam Općine izjavili su da se trenutno izvode radovi na postavljanju kablovske kanalizacije, gasa, struje i TT mreže.

Podsjećamo da se izvode radovi i na izgradnji infrastrukture za Urbanistički projekat Bjelašnica II (vodovod, separata-kišna kanalizacija, javna rasvjeta, gasna i TT mreža).



Domovi kulture

U toku je izvođenje radova na izgradnji domova kulture Dejčići i Delijaš. Izvođač je ZZ GROS-COMP Hadžići. Završena je prva faza koja je obuhvatala građevinsko-zanatske radove, zidarske, izolaterske, fasaderske, limarske, keramičarske, kamenorezačke, bravarske, molerske, te elektroinstalacije i telefonsku instalaciju. Do kraja mjeseca maja očekuje se finalizacija projekata izgradnje Domova kulture i objekta u Trnovu.

Općinski načelnik istakao je kako je izgradnja domova kulture, dio napora koje poduzimamo s ciljem podizanja svijesti o važnosti očuvanja naslijeđa naše kulture, te pronalaženje novih načina za njihovu svrsishodnu primjenu, održivost i opstanak.

Objekat domova kulture je koncipiran tako da će na prizemlju objekta biti smješten restoran sa kuhinjom, na prvom spratu prostori mjesne zajednice i na posljednjem spratu objekta planiran je edukacioni centar za djecu i omladinu.



Izgradnja objekta u Trnovu

U okviru realizacije projekta izgradnje objekta u Trnovu, za koji sredstva izdvaja Općina Trnovo, trenutno se izvode unutrašnji radovi: "Keramika je pri kraju, izvršene su pripreme za podno-polagačke radove, te još preostaju fini monterski radovi. Što se tiče vanjskih radova fasada je završena, kao i ostali vanjski dekoraterski radovi, stepenište i slično", saznajemo od izvođača radova.



Česma Ozimine

U naselju Ozimine, mjesne zajednice Šabići izgrađena je spomen česma. Novo-izgrađeni objekat sadrži i korito. Spomen-česma podignuta je u aprilu mjesecu, mještanima sela Ozimine i Žilići, pripadnicima Armije i policije BiH. Finansijer je Općina Trnovo. Česma je vrlo brzo izgrađena, postavljena je mermerna ploča na kojoj je uklesano 14 imena, mještana ovih sela, koji su izgubili živote u oslobodilačkom ratu 1992 -1995. godine.



Rekonstruisana autobuska stajališta

MZ Delijaši (naselja Hamzići, Karovići, Pomenovići, Govedovići, Durakovići i Bašci)

MZ Šabići (naseljena mjesta Lukavac, Šabići, Umoljani, Bobovica, Ozimine i Sinanovići)



Uređenje korita rijeke Željeznice

U naselju Godinja uređeno je korito rijeke Željeznice. Investitor je javno preduzeće za "Vodno područje slivova rijeke Save", a izvođač radova je firma "Bujice" d.o.o. Konjic.

Projektom uređenja korita rijeke Željeznice izvršeno je čišćenje sprudova i nanosa iz korita, što će doprinijeti nesmetanom i brzom protoku, te ljepšem i urednijem izgledu ovog naselja.



Izgradnja mostova

- Na regionalnom putu M117 Trnovo - Zagor – Grebak - Ustikolina, na mjestu starog oštećenog mosta sa jednom saobraćajnom trakom, izgrađio se novi most za koji su sredstva obezbijedili JP Ceste Federacije BiH. Izgrađen je novi most veće širine s novim stubovima i većim lukom radi boljeg protoka vode, čime će se smanjiti rizik od poplava i poboljšati uvjeti za brži promet vozila. Izvođač radova je HP Investing d.o.o.
- Započela je izgradnja mosta pod Bašcima (Sastavci).
- Izrađena je projektna dokumentacija i ugovoreni radovi za izgradnju mosta na rijeci Bijeloj.



Projekat izgradnje kanalizacije

Završen je projekat izgradnje fekalnog kolektora Šabići – most na rijeci Rakitnici, ukupne vrijednosti 123.505,03 KM. Investitori na projektu su Općina Trnovo, Fond za zaštitu okoliša Federacije BiH i Federalno ministarstvo finansija.

Projekat obuhvata izgradnju kanalizacije od Šabića do postrojenja za tretman otpadnih voda koji se nalazi u blizini mosta na rijeci Rakitnici. Projektom su urađeni iskopi rovova, polaganje kanalizacionih cijevi i revizionih okana. Radovi su završeni, započeli su još u septembru mjesecu 2017. godine a izvođač radova je "Bujice" d.o.o. Realizacijom ovog projekta postići će se efekti unaprijeđenja i izgradnje infrastrukture za zaštitu okoliša i sistema za upravljanje otpadnim vodama, smanjiti zagađenje vodotoka, spriječiti skupljanje i akumuliranje otpadnih voda u otvorenim i privremenim vodotocima.



Potpisani Sporazumi i Ugovori za izgradnju „Poslovno – sportskog centra Trnovo“ na Bjelašnici

Općinski načelnik, Ibro Berilo je u junu mjesecu 2018. godine potpisao Sporazume o sufinansiranju izgradnje "Poslovno-sportskog centra Trnovo" na Bjelašnici, jednog od najmodernijih u Bosni i Hercegovini, sa ministrom privrede i ministrom kulture i sporta Kantona Sarajevo. Potpisivanju je prisustvovao i premijer Kantona.

“Planina Bjelašnica treba pored zimskog perioda biti dostupna turistima i građanima i tokom ljetne sezone.

Zbog toga smo odlučili napraviti centar koji će biti izgrađen na površini od 11,21

hektara, s desne strane na ulazu u zonu Babinog Dola, na nadmorskoj visini od blizu 1.300 metara”, pojasnio je načelnik.

Naveo je kako će u sjevernom dijelu kompleksa biti izgrađen nogometni teren dimenzija 80×120 metara, koji će biti pokriven prirodnom travom, te tribina od 1.000 mjesta s istočne strane. Iza nje nalazit će se svlačionice i sanitarni čvorovi, kao i servis za posjetioce. U produžetku terena, prema južnoj strani, planirana je izgradnja terena s vještačkom travom, koji će biti pokriven balonom u zimskim mjesecima i imat će grijanje.

Pored će biti napravljen i pomoćni nogometni teren, koji će također biti pokriven prirodnom travom. Uz to će biti po jedno igralište za mali nogomet, rukomet, košarku i odbojku, koje će se moći koristiti i zimi jer će biti natkrivena, najavio je načelnik Berilo.

U sastavu centralnog objekta bit će sportska dvorana koja će se nalaziti u južnom dijelu u kontaktnoj zoni s Babinim Dolom, uz poslovne objekte. Dvorana će imati 500 mjesta za gledaoce i prateće sadržaje, dok će hotel imati 90 ležajeva, prostorije za sastanke, polivalentnu dvoranu za konferencije, prostor za odmor i zabavu, bazen, fitness i spa, teretanu, saunu, kuglanu, te priručnu ambulantu i apoteku. Hotel će biti povezan sa sportskom dvoranom.

Ovaj projekt zajedno realizuje Općina Trnovo i Vlada Kantona Sarajevo.

Prema riječima potpisnika Vlade KS turizam je šansa za ekonomski razvoj Kantona Sarajevo. Većina svjetskih planinskih centara je shvatila da se ne može živjeti samo od zimske sezone nego je potrebno osigurati i sadržaje ljeti.

“Uvjeren sam da će i evropski klubovi dolaziti da treniraju ovdje, jer će se i na taj način proširiti turistička ponuda kako bismo postali jedan od glavnih sportsko - rekreacionih centara u ovom dijelu Evrope”, potcrtao je ministar Kurić.

Općinski načelnik danas je potpisao i ugovore o izvođenju radova sa predstavnicima konzorcija izvođača radova od četiri kompanije, među kojima su Almy-Transport d.o.o. iz Zenice, Mavas d.o.o. iz Mrkonjić grada, Duol d.o.o. iz Brezovice i Elan invent d.o.o. iz Begunje na Gorenjskom, ukupne vrijednosti od 16.991.676 KM.

Planirano je da radovi na izgradnji ovog centra budu završeni za dvije i po godine.



Foto: Održan radni sastanak o nastavku aktivnosti na Projektu «Poslovno - sportski centar Trnovo» na Bjelašnici

VODOVODI

- Završena izgradnja pumpne stanice i kaptažnih građevina na izvoru Pršetak;
- Završen je dio cjevovoda od Javorovog dola do izlaza iz Donje Grkarice;
- Izgrađen rezervoar na Brdima sa cjevovodom od Ljepavića do rezervoara;
- Sanacija vodovoda u naselju Dujmovići.

Sanacija vodovoda u Dujmovićima

U naselju Dujmovići, mjesne zajednice Dejčići sanirana je kompletna vodovodna mreža. Radove izvodi JKP "Trnovo", a radove finansira Općina Trnovo.

"Projekat rekonstrukcije dotrajale sekundarne vodovodne mreže u ovom naselju podrazumjeva pripremne i zemljane radove, nakon kojih će uslijediti zamjena dotrajalih i montaža odgovarajućih PEHD cijevi, zatim montaža kućnih priključaka te završni radovi, saopćili su iz JKP "Trnovo".



Vodovod Hojta-Bjelašnica

U sklopu izgradnje vodovoda Hojta – Bjelašnica, u toku 2018. godine izgrađene su kaptažne građevine i pumpna stanica na izvoru Pršetak te šaht mjeraca na Pandurici. Izvođač radova je konzorcij izvođača od dvije kompanije, AME d.o.o. iz Breze i MGBH d.o.o. iz Ilidže, Sarajevo.

Ukupna vrijednost radova iznosi 200.000,00 KM.



Novi kontejneri

Ministarstvo komunalne privrede i infrastrukture Kantona Sarajevo finansiralo je nabavku 1000 novih kontejnera kapaciteta 1.100 litara za zamjenu uništenih i dotrajalih kontejnera u Kantonu Sarajevo, a koji će biti distribuirani u devet općina. Raspodjela po općinama izvršena je na osnovu ukupnog broja stanovnika, broja kontejnera za odlaganje, količine otpada koji se proizvede po domaćinstvu i ukupnog broja uništenih kontejnera. Na osnovu ovih kriterija općini Trnovo pripalo je 10 novih kontejnera. Većina novih kontejnera je postavljena na Bjelašnicu gdje su najveće količine otpada, tačnije njih 7, dok su u Trnovo danas isporučena tri nova, koji će zamijeniti postojeće dotrajale kontejnere smještene kod zgrade Općine.



Izgradnja podzemne garaže u sklopu projekta “Srebrna lisica”

Finaliziraju se radovi na izgradnji podzemne garaže u obuhvatu kompleksa “Srebrna lisica”, podsjećamo ovo je zajednički projekat Vlade Kantona Sarajevo i Općine Trnovo. Montažni radovi na objektu su okončani, završeni su svi betonski i armirano betonski radovi. Riješena je kompletna odvodnja oborinskih voda i vodovodne instalacije u objektu. Izvršeno je nasipanje i nabijanje u objektu, te izvršeno privremeno osvjjetljenje unutrašnjosti objekta kako bi se isti mogao staviti u funkciju tekuće zimske sezone. Završni radovi, izrada izolacije i popločavanje objekta biće izvršeno na proljeće.



Šetnje zadovoljstva

Boravak u planini vas najprije asocira na čist zrak, na brojne sportske aktivnosti, što je svakako opuštaćuje i doprinosi zdravlju. Zimsku sezonu na Bjelašnici, pa i sam njen početak obilježilo je dovoljno snijega ali i sunca, što čini idealne uvjete za provesti vrijeme na ovoj olimpijskoj ljepotici uživajući u prirodi. Veliki broj posjetitelja, Sarajlija ali i turista posjetilo je Bjelašnicu kako bi svoje vrijeme iskoristili, ne samo u prirodi uz šetnju već i u uživanju u zimskim sportovima. Ove godine izgrađeno je više šetnica na prostoru Babinog dola kako bi omogućili posjetiteljima bezbrižan boravak, naročito onima sa djecom. Radovi na izgradnji šetnica podrazumijevaju rekonstrukciju i uređenje pješačkih staza i trotoara. Sanirana je i kompletna rasvjeta. Činjenica je da se sve više misli na pješake koji se moraju odvojiti od hodanja po sve zagušenijoj prometnoj cesti. Uostalom kako i priliči svakoj uređenoj sredini, a pogotovo turističkom mjestu sa sve većim brojem ljudi koji se kreću pješice. Izgradnja šetnica, odnosno rekreativnih staza će se nastaviti.



Proširenje javne rasvjete

Projekat izgradnje, rekonstrukcije i proširenja javne rasvjete na području Općine Trnovo sufinansiralo je Ministarstvo komunalne privrede i infrastrukture u iznosu od 100.000,00 KM. Ovaj projekat započeo je još 2017. godine zamjenom oštećene i postavljanjem nove javne rasvjete, ove godine javna rasvjeta na Bjelašnici je produžena do tehničke baze. Radi se o LED rasvjetnim tijelima čime će se uštediti električna energija usmjerena na javnu rasvjetu. Izvođač radova je Eding Telecom d.o.o. Postavljena je nova linija javne rasvjete u naseljima Ilovice i Obla Brda, a u narednom periodu će se postavljati rasvjeta u naseljima općine Trnovo koja još uvijek nemaju rasvjetu.

Rješavanje saobraćaja u mirovanju na području Bjelašnice

Općina Trnovo započela je realizaciju projekta rješavanja problema nedostatka parkinga na Bjelašnici. Trenutno je u toku izgradnja parking mjesta u obuhvatu Bjelašnice I i Bjelašnice II, gdje duži period nedostaje mjesta za parkiranje. Za ovu namjenu Ministarstvo saobraćaja Kantona Sarajevo izdvojilo je 250.000 KM, a izvođač radova je Orman d.o.o. Kiseljak. Asfaltiranjem parkinga u sklopu izgradnje saobraćajnica djelomično će se ublažiti dugogodišnji problem stanovnika ove mjesne zajednice, ali i brojnih posjetilaca Bjelašnice te spriječiti parkiranje vozila na zelenim površinama i trotoarima. Iscrtavanjem parking-mjesta omogućit će se više prostora za parkiranje, a bit će postavljeni i ivičnjaci, te izgrađene pješačke staze, kao i ugradnja slivničkih rešetki za rješavanje odvodnje površinskih voda.

Općina Trnovo će nastaviti raditi na tome da se uvede više reda u oblast saobraćaja u mirovanju izgradnjom parking mjesta, izgradnjom javne garaže, ali i sankcionisanjem nedostatka saobraćajne kulture građana.

Delegacija privrednika iz Slovenije posjetila Općinu Trnovo

U junu mjesecu zaključen je i potpisan protokol o namjeri za izgradnju objekta za proizvodnju cijevi od inoksa na lokaciji Bare, općina Trnovo. Potpisnici ovog Protokola o namjeri, gdje su navedene planirane aktivnosti za izgradnju objekta i obaveze obje strane, su Općina Trnovo i firma INOKS PLUS d.o.o iz Slovenije.



Delegacije stranih investitora posjetile Općinu Trnovo, gdje su o potencijalnim investicijama razgovarali sa Općinskim načelnikom



Zimska čarolija na Bjelašnici

“Telemach Winterhane market & fun zone 2019”
28.12.2018. - 28.02.2019.

Cilj manifestacije bio je da se Bjelašnici priredi kvalitetna aktivnost besplatna za sve posjetioce i građane. Po uzoru na sve velike svjetske ski centre koji tokom sezone već tradicionalno nude bogate gastro, ugostiteljske, sportske, rekreativne i zabavne programe svojim gostima. Bjelašnica je ove godine po prvi put nudila svojim posjetiocima slične sadržaje.

Na javnoj površini općine Trnovo, tačnije na lokaciji Babinog Dola organizovana je kulturno sportska manifestacija Winterhana 2019. u okviru koje su posjetioci Bjelašnice mogli uživati sportske i kulturne događaje, a sve besplatnog karaktera.

Zimska čarolija u centru Bjelašnice sadržavala je FUN zonu, klizalište za djecu, te su postavljene drvene kućice za prodaju suvenira, hrane i pića.

Projekat je imao za cilj da sva dešavanja na Bjelašnici tokom sezone uzmu učešće u ovoj manifestaciji tako što je centralni dio tj. FUN zona bila mjesto proglašenja pobjednika, prostor za predstavljanje aktivnosti, takmičara i slično. Jedan od partnera i sponzora projekta je Općina Trnovo.

Organizatori manifestacije su: Infinity Marketing Solutions, Teamm doo, UR Staza, New Event i Underground rock club.



Otvorenje sezone - Bjelašnica

Olimpijska ljepotica Bjelašnica bila je centar regije 29. decembra 2018. godine, dan zvaničnog otvorenja zimske sezone. Istog dana upriličeno je i otvorenje Telemach Winterhana market i fun zone, nakon čega je uslijedio koncert kulturnog benda “Bijelo dugme”.

Koncert Bijelog dugmeta na olimpijsku ljepoticu Bjelašnicu privukao je više od 20.000 posjetilaca.

Legendarni bend je održao koncert u sklopu manifestacije Hajdemo u planine, čime je ujedno obilježen službeni početak zimske sezone, ali i 35 godina ZOI '84, a olimpijskoj ljepotici vraćen je stari sjaj.

Koncert je počeo pjesmom “Noćas je k'o lubenica pun mjesec iznad Bosne”, nakon čega su uslijedili hitovi “Napile se ulice”, “Nakon svih ovih godina”, “Ipak poželim neko pismo” i “Ai ti me iznevjeri”.

Općina Trnovo jedan je od generalnih pokrovitelja oba projekta.





Zimska sezona na Bjelašnici u punom jeku

Bjelašnica je u mjesecu januaru bila najhladnija planina u regionu, ali i s najviše sniježnog pokrivača što je omogućilo i činilo savršene uslove za aktivnosti na snijegu. Na olimpijskoj planini Bjelašnici sredinom januara mjeseca izmjereno je 188 centimetara snijega, podaci su Federalnog hidrometeorološkog zavoda Bosne i Hercegovine.

Ovo je rekordna turistička sezona, oboren je i rekord posjećenosti u jednom danu na dan koncerta benda Bijelo dugme, održano je i takmičenje EYOF, a sudeći po daljim planiranim aktivnostima i sadržajima za ovo područje očekuje se velika posjećenost i u ljetnoj sezoni.

Općina Trnovo svim posjetiocima i skijašima na našoj olimpijskoj ljepotici želi mnogo idealnih skijaških uslova, ali svakako i lijepih, sunčanih dana za duge šetnje na svježem zraku.

Olimpijski paviljon info turističkog centra uskoro na Bjelašnici

Turistička zajednica Kantona Sarajevo uskoro će započeti sa izgradnjom modernog turističkog informativnog centra na Bjelašnici.

Turistički olimpijski paviljon će biti izgrađen nakon zime i to na prostoru od 50 kvadrata. Bit će od drveta u kombinaciji s metalom i staklom, postavljen na kružnom toku kod hotela Maršal, gdje je najveći fokus turista.

Osim prometa, kružni tok kao mjesto izgradnje je odabran ogledajući se i na evropske standarde, prakse i iskustva, dok se simbolika u gradnji ogleda u pet olimpijskih krugova i boja, koji podsjećaju na Olimpijadu 1984. godine.

Turisti će imati priliku saznati sve što im je neophodno za ugodan boravak na olimpijskog planini Bjelašnica, koja je glavni planinski centar u Kantonu Sarajevo.

Ističemo da gradnju u potpunosti finansira Turistička zajednica KS.



Promocija razvoja turizma u Općini Trnovo

Općina Trnovo ove godine započet će sa realizacijom dva projekta u cilju podizanja kvalitete turističke ponude i promocije turizma na području Općine Trnovo. U pitanju je rekonstrukcija "Kuće spasa" i uređenje pećine "Klokočevica".

Klokočevica pećina ili Klokotnica nalazi se na istočnim padinama Bjelašnice, u blizini Babinog dola, na području općine Trnovo. Nadmorska visina je 1335 metara. Morfologija pećine je vrlo jednostavna i sastoji se od dva dijela: ulaznog kanala i velike dvorane. Ulaz u pećinu ima izgled vrtače i nastao je urušavanjem dijela pećine koji je imao najtanji strop. Ono što je karakteristično za ovu pećinu, jesu, pored historije pećine i endemske faune, debeli stalagmiti. U ulaznom kanalu su još austrougarski ljubitelji prirode napravili kameno stepenište dužine 30 metara od lomljenog kamena koje se sačuvalo do našeg vremena. Pećina kao turistička ponuda umnogome bi dopunila turističku ponudu Igmana i Bjelašnice, izletišta koja godišnje posjeti preko 100.000 posjetilaca, a koja osim sportskih aktivnosti ne nude nikakve druge sadržaje, posebno u ljetnjim mjesecima. Pećina Klokočevica je značajna za bosansko-hercegovačku speleologiju i pećinski turizam jer je ona, uz pećinu na vrelu Bune, čini se, jedna od prvih pećina u Bosni i Hercegovini uređena za posjetu turista.



Posebna pogodnost pećine Klokočevice je njena blizina olimpijskim borilištima. Od Babinog dola do pećine vodi označena šumska staza (oko 1 km).

Rekonstrukcija kuće spasa

Postojeći objekat je u ruševnom stanju i potrebno je izvršiti njegovu rekonstrukciju.

U cilju stavljanja u funkciju neophodno je da se uradi projektna dokumentacija.

U prizemnom objektu planira se restoranski dio sa mokrim čvorovima, dok je potkrovlje predviđeno za spavanje. Položaj u odnosu na sportsko rekreativni centar i putnu komunikaciju koja povezuje zaleđe Bjelašnice sa centrom iziskuje da se izgradi jedan ovakav kompleks.



Sam naziv "Kuća spasa" govori o tome kako je zaista bila spas za mnoge prolaznike, a najviše za mještane, jer bi pri povratku iz Sarajeva svratili ovdje sakriti se od lošeg vremena, odmoriti i nastaviti put dalje do svog sela.

Općinski načelnik, Ibro Berilo je rekao kako će objekat djelimično zadržati svoju prvenstvenu namjenu, te će jedna prostorija biti uređena i otvorena za građane, vatrogasce, gorsku službu spašavanja...

Cilj projekata je poticanje razvoja i unapređivanje i obogaćivanje turističke ponude Općine Trnovo i Kantona Sarajevo.



Napreduju radovi na projektu dogradnje škole u Šabićima

U toku je izvođenje radova na projektu dogradnje područne škole u Šabićima.

Podsjećamo, projekat dogradnje objekta područne škole u Šabićima sa "školom u prirodi", koja djeluje u sastavu OŠ "Zaim Kolar" implementira Općina Trnovo, a finansijeri su Općina i Ministarstvo za obrazovanje, nauku i mlade Kantona Sarajevo.

Arhitektonsko rješenje definirano je u skladu sa programskim i funkcionalnim zahtjevima, mogućnostima koje nudi lokacija, te su funkcionalno primjereni modernom načinu korištenja, a prilagođene uslovima koji vladaju na planini. Postojeći objekat je prizemne spratnosti i sastoji se iz dvije funkcionalne sredine. Prvu cjelinu čini edukativni dio sa dvije učionice i zajedničkom prostorijom, dok drugu cjelinu čini ugostiteljski dio sa restoranom. Dogradnjom etaže i mansarde na postojeći objekat, dobivamo novu funkcionalnu cjelinu-hostelski smještaj. Dogradnjom postojećeg objekta, predviđena je izgradnja hostelskih soba, kao i proširenje ugostiteljskih sadržaja (kamin sala, restoran, kuhinja), tako da objekat škole pored osnovnog edukativnog karaktera ima i hostelsko-ugostiteljski tj. turistički karakter, kakav i treba posjedovati jedna škola u prirodi.

Izvođač je CENTAR-HAN d.o.o Sarajevo, a završetak radova planiran je za mjesec maj tekuće godine.

Pogledajte kako napreduju radovi na projektu dogradnje škole u prirodi, u Šabićima.



Sporazum o realizaciji projekta "Škola u prirodi»

Ministar za obrazovanje nauku i mlade Kantona Sarajevo Elvir Kazazović potpisao je sa direktorom Osnovne škole „Zaim Kolar“ Adisom Hodžićem Sporazum o realizaciji Projekta „Škola u prirodi“ u mjestu Šabići, besplatno za sve učenike četvrtih razreda osnovnih škola u sarajevskom kantonu.

Ovim sporazumom je predviđen besplatan boravak oko 2.000 osnovaca u trajanju od po tri dana po grupi učenika na bazi dva puna pansiona sa uključenim prijevozom na relaciji škola - Šabići - škola.

"Škola u prirodi u sastavu naše škole djeluje od 2004. godine i ovo je prvi put da ova vrsta edukacije u prirodnim uvjetima za sve učenike četvrtih razreda bude besplatna. U pitanju je odlična prilika za ovu djecu da jedan dio svoje edukacije provedu na čistom zraku, u prirodi, kao i da obiđu sve ljepote planine Bjelašnice", istakao je direktor Hodžić.



Prvačići dobili poklone prvog dana škole

Načelnik Općine Trnovo, gospodin Ibro Berilo posjetio je Osnovnu školu 'Zaim Kolar' u Dejčićima povodom početka nove školske godine.

Načelnik je zajedno sa direktorom škole, pedagogom i učiteljicom dočekaio učenike prvog razreda, koji su po prvi put u školskim klupama. Uručio je poklone za sve đake prvake i poželio uspješno školovanje. Kazao je kako svim učenicima želi puno zdravlja, sreće i veselja u ovoj školskoj godini.

Ovom prilikom Općina Trnovo donirala je i komplete udžbenika za učenike prvih i šestih razreda ove osnovne škole.



Dan škole

Povodom Dana škole "Zaim Kolar" Dejčići, 24.04.2018. godine, u sali škole održana je priredba. Učenici od prvog do devetog razreda pjevali su, plesali, glumili i svirali.

Na samom početku svim prisutnim obratio se direktor škole sa nekoliko riječi o prošlosti ove škole i važnosti obilježavanja Dana škole, te postignutim rezultatima škole i ovom prilikom zahvalio se općinskom načelniku na nesebičnoj podršci školi, te istakao značaj započetog projekta škole u prirodi, odnosno područne škole u Šabićima.

Direktor je zatim prozvaio sve učenike koji su učestvovali na takmičenjima i postigli zavidne rezultate i još jednom im čestitao uz simbolični poklon škole.

Priredbu su koordinirale učiteljice i nastavnice, a učenici i učenice ove škole su pokazali svoje raznovrsne talente.

Program bogat sadržajima, pun pjesme, recitacija, igrokaza, veselih boja i kostima oduševio je goste, a završio je izvođenjem folklorne sekcije i veliki pljesak publike.



Poklon knjiga

Općina Trnovo poklonila je 50 novih knjiga za biblioteku Osnovne škole "Zaim Kolar" u Dejčićima. Knjiga autorice Sanele Rađo pod nazivom "Princeza Zemlja, zemljožderi i vitezovi" je inače naslov zastupljen u osnovnoškolskoj lektiri. U knjizi se govori o ekologiji, reciklaži otpada i zaštiti princeze Zemlje, pravilnom odgoju djece kroz uspostavljanje prijateljstava sa biljkama i životinjama. Majka u knjizi želi djecu privoliti da kroz komunikaciju pokušaju razumjeti biljke, životinje i prirodu. Kako nam je rekao direktor škole svaka donacija mnogo znači, a posebno kada se radi o knjigama koje su lektire našim školarcima koji, većina njih, njeguju ljubav prema čitanju.

Paketići za sve učenike

Općinski načelnik zajedno sa saradnicima posjetio je Osnovnu školu "Zaim Kolar" u Dejčićima i tom prilikom uručio novogodišnje paketiće za djecu.

Općinski načelnik kazao je da je sretan što vidi sretna dječija lica, jer Nove godine su za sretno oči malenih dječaka i djevojčica, one su za raširene dječije ruke pune poklona, one su za ples i pjevanje. One su da se pamte, nekad kasnije, kada se pokvarimo, kada naša srca zaborave da vole, kada zaboravimo da budemo ljudi. Djeca to najbolje znaju, biti dobri ljudi a i mi odrasli bi to makar trebali pokušati. Na kraju svog obraćanja svim prisutnim je čestitao predstojeću Novu godinu, uz želju za dobro zdravlje i porodičnu sreću.

Direktor škole, Adis Hodžić zahvalio se gostima na ovom lijepom gestu i naglasio da su djeca svojim vrijednim radom i učenjem zaslužila novogodišnje paketiće.



Održana 57. Smotra naučno-tehničkog stvaralaštva

U organizaciji Osnovne škole "Zaim Kolar" Dejčići održano općinsko takmičenje učenika osnovnih škola iz Trnova, Tarčina, Hadžića i Pazarića iz predmeta tehnička kultura.

Takmičenju je pristupilo 25 učenika od V do IX razreda. Za učenike koji su ostvarili najbolje rezultate na ovom takmičenju, prva tri mjesta za svaki od razreda Općina Trnovo obezbijedila je novčane nagrade. Takmičenju je prethodio primjeren kulturno – zabavni program a poslije vremena predviđenog za test takmičenja, devetočlana komisija, koju su činili nastavnici iz gore pomenutih škola je proglasila najbolje učenike i dodijelila im diplome i novčane nagrade.



Općina Trnovo aktivna u provođenju novih projekata

Općina Trnovo zadnjih godina pravi sjajne rezultate. Dosta je uspješno završenih projekata koji doprinose dobrobiti lokalne zajednice, te ujedno stvaraju prostor za nove domaće i strane investicije.

"Trudimo se da ubrzamo razvoj Općine sa spremnim razvojnim projektima. Menadžerska smo Općina, što pokazuje naš Budžet. Naš pristup razvoju je drugačiji, naša vizija se sprovodi u djela zajedničkim timskim radom organa Općine i Općinskog vijeća, kao i uz pomoć Vlade Kantona Sarajevo ali zahvaljujući i investitorima koji su investirali u općinu Trnovo.

Od sanacije puteva do velikih projekata

U protekloj godini puno se radilo na sanaciji postojećih puteva na području Općine. Sanirana je jedna od jako bitnih putnih komunikacija od Grkarice do ulaza u Babinin do, a realizaciju projekta pomogla je i Direkcija za ceste KS.

Saobraćajnicu nastavljaju graditi do kružnog toka u Babinom dolu, a za to imaju i osigurana novčana sredstva. Uz sanaciju gradi se i šetnica.



"Radimo i na izgradnji saobraćajnice Gornja Grkarica – Babin do gdje je završeno 50 posto posla. Kompletni radovi trebali bi biti okončani u maju mjesecu ove godine", rekao je Berilo.

Ovo svakako nisu jedini projekti, radi se i na drugim lokacijama. Urađena je sanacija puteva od Babinog dola do Sinanovića. Krenulo se i sa izgradnjom i proširenjem magistralne ceste na dionici ispod Durakovića do Azilantskog centra u Delijašu. Ovdje je planirano proširenje cijele dionice puta.

"Za regionalne magistralne ceste uspjeli smo osigurati oko četiri miliona maraka i sporazumi su već potpisani. Dio tendera je završen, neki su u toku, a neke ćemo da raspisemo uskoro, kako bi na vrijeme mogli krenuti sa radovima sanacije puta od Babinog dola prema Sinanovićima, od Donje Grkarice do Prečkog polja, magistralne ceste od Gareža prema Delijašu i sanaciju puta od Pendičića do magistrale ceste prema Trnovu", pojašnjava načelnik.

Svjesni da ulaganjem u infrastrukturne projekte otvaraju put za brži razvoj lokalne

zajednice. Prošle godine za lokalne ceste izdvojen je jedan milion maraka, što je i ovogodišnji plan.

Pored putne komunikacije puno se radi i na projektima vodosnadbijevanja, tako da u svim mjesnim zajednicama općine cilj je riješiti vodosnadbijevanje za narednih 100 godina.

Trenutne aktivnosti su usmjerene i na izgradnju trećeg prečistača otpadnih voda. Završen je tender za izbor izvođača radova za posao vrijedan oko 2,6 miliona KM bez PDV-a.

Po riječima načelnika, samo četiri ovakva prečistača su izgrađena na Balkanu, dva u Sloveniji i dva u Hrvatskoj.

Radi se i projektna dokumentacija za nove prečistače na Prečkom polju, Crnoj i Bijeloj rijeci. Ove godine spojena je kanalizaciona mreža od Rakitnice do prečistača na ulazu u kanjon Rakitnice, tako da čim Elektroprivreda završi dovod struje do prečistača on će biti stavljen u funkciju.

Teško je nabrojati sve projekte koje je općina realizovala, kaže prvi čovjek Općine. Radovi na općinskom objektu 90 posto su završeni, kao i radovi na dva objekta kulture u Dejčićima i Delijašu. Opremanje ovih objekata sufinansirao je Kanton Sarajevo sa 100.000 KM pomoći, dok je sve ostalo finansirala Općina.

Načelnik je ponosan i na projekat proširenja škole u prirodi koja se nalazi u MZ Šabići. Vrijednost investicije je 1,5 milion KM, a projekat bi trebao biti završen tokom godine.



Vizije i ideje da Bjelašnica bude profitabilan centar se ostvaruju, koliko ste vi zadovoljni?

"Možemo da kažemo da smo zadovoljni, ali ovo je samo početak, prije svega moram istaći da sam zadovoljan pozitivnim odnosom Vlade Kantona Sarajevo i Zavoda za planiranje prema ovom prostoru. Općina zajedno sa Vladom i Zavodom radi na razvoju ovog prostora, koji želimo staviti u funkciju kao turistički i rekreativni centar u zimskom i ljetnom periodu. Napominjem da je sve u skladu sa regulacionim planom Igmana i Bjelašnice iz 1982. godine. Ovaj prostor, kao i svaki zimski centar mora biti urban i razvijen, sa kvalitetnom ponudom za sve građane i turiste koji posjećuju Bjelašnicu."

Općina radi na razvoju prostora Bjelašnice, koji želi staviti u funkciju kao turistički i rekreativni centar u zimskom i ljetnom periodu.

U saradnji sa Vladom Kantona Sarajevo završen veliki projekat izgradnje novog vertikalnog transporta.




Poslovno-sportski centar

Među najvažnijim projektima općine je izgradnja Sportsko-turističkog centra na Bjelašnici. Projekat bi kaže načelnik trebao biti završen za dvije godine, a njegova vrijednost je 20 miliona maraka.

“Općina se dvije godine priprema i šteti novac za ovaj projekat. Za sada smo obezbijedili 15 miliona maraka za njegovu realizaciju, a u narednom periodu ćemo obezbijediti nedostajuća sredstva od 5 miliona, jedno je sigurno da se nećemo kreditno zaduživati.

Nadamo se i pomoći Kantona Sarajevo, jer je ovo projekat koji će biti od dobrobiti svih građana”, istakao je načelnik.

Podsjeća, kako je do sada Ministarstvo sporta



i kulture prebacilo 400.000 za sportsku dvoranu koja će koštati oko tri miliona maraka. Ministarstvo privrede prebacilo je jedan milion, dok Ministarstvo saobraćaja KS 900.000 KM u infrastrukturi.

Općinski načelnik tvrdi kako će ovo biti najmoderniji centar na Balkanu u koji će u toku ove godine biti investirano deset miliona maraka.

“Buroj Ozone”

Investitor je još aktivan, gradi objekte i u projekat je do sada uložio 60 miliona. Gradi fontanu, restoran kod fontane, nove kuće... Općinski načelnik tvrdi kako na realizaciju projekta utiče i državna birokratija, kod koje se moraju mijenjati određene stvari kako bi zadržali investitore.

“Ovako velike projekte nije lahko realizovati jer na putu uvijek stoje prepreke.

Mi svakako ne želimo izgubiti investitora od kojeg je općina do sada zaradila jedan milion maraka, po osnovu prihoda.”

Prema ranije potpisanom ugovoru sa investitorom općina radi na infrastrukturnim projektima do budućeg grada. Struja je nedavno dovedena, dok je za plin u toku tenderska procedura. Urbanistička dozvola je izdata za 50 objekata, za hotel i sedam restorana.



Investicije u protočne centrale i vjetroelektrane

Formirano je preduzeće Elektro – Trnovo koje će raditi protočne hidrocentrale na rijeci Bijeloj i pritokama Crne rijeke.

“Završavamo određene studije. Struka je uključena, pa ćemo da vidimo šta će reći. Mi sigurno nećemo odustati od projekta. Ovo je naša prilika.

Od ovog projekta možemo prikupljati dodatne prihode Općini kad nestane prihoda od rente i uređenja u omjeru koji danas imamo”, ističe načelnik.

Na području Trnova planirana je i izgradnja vjetroparkova. Općinsko vijeće je dalo saglasnost za 3 vjetroparka. Mjerači vjetra su postavljeni na tri lokacije, odnosno dva na Bjelašnici i jedan na Šiljku. Rukovodstvo Općine ponosi se činjenicom da je inicijator svih projekata.

Općinski načelnik uz podršku i donošenje Odluka od strane Općinskog vijeća pokrenulo je projekat vodosnadbijevanja grada Sarajeva iz Crne rijeke za koji su završena sva idejna rješenja, pa čak i izgradnja brane.

Ovdje još treba uraditi dodatna geološka istraživanja i završiti izvedbenu dokumentaciju zašto će biti potrebno oko 2,5 miliona maraka.

Razvoj općine bio bi još brži, da je jednostavniji Zakon o javnim nabavkama.

“Zna se desiti da u toku jedne godine ne možemo provesti investiciju od 5-6 miliona maraka jer se izvođači radova žale na formalno- tehničke stvari”, istaknuo je općinski načelnik, te naglasio kako su se nedavno našli u takvoj situaciji.

Pored svega navedenog općina radi i na izgradnji podzemne garaže na Bjelašnici, a u planu je i obnova “Kuće spasa”.

Načelnik koji briše entitetske granice

Načelnik ne gleda na entitetske granice. Pomaže razvoju projekata i u Trnovu koje pripada RS-u. Za asfaltiranje puteva izdvojeno je 200.000 KM, a finansira i održavanje zimskih puteva u Kijevu, Turovima, Trnovu..., kao i izgradnju rasvjete.

“Svake godine u budžetu od 150 do 200 hiljada planiramo i za pomoć drugim općinama, jer osjećamo potrebu da pomažemo i da ljudi znaju za nas.

Potpisali smo ugovor od 10.000 KM za put na Paležu u Kiseljaku. Za crkvu u Trnovu smo također izdvojili 10.000 KM. Pomažemo i Čajniču, Rudom, Fojnici...”, kaže načelnik. Zaključujući kako je ovo sve BiH i da njene granice nisu na entitetskim linijama, već na granicama sa Hrvatskom, Crnom Gorom i Srbijom.

Općina Trnovo bilježi veliki porast poreskih prihoda u prošloj godini. Porezni prihodi općine Trnovo veći su čak tri puta u odnosu na prošlu godinu što se objašnjava povećanjem privrednih aktivnosti i povećanjem investicija.

Općinsko vijeće Trnovo

Općinsko vijeće Trnovo kao predstavničko tijelo građana i tijelo lokalne samouprave donosi akte u okviru djelokruga Općine Trnovo, te obavlja druge poslove u skladu sa zakonom i Statutom Općine Trnovo. Općinsko vijeće je u 2018. godini održalo 6 sjednica. Program rada Općinskog vijeća za 2018. godinu je usklađen sa Programom rada Općinskog načelnika, te su te aktivnosti uglavnom uspješno realizovane. Vijeće je usvojilo Program rada Općinskog vijeća i Općinskog načelnika za 2019. godinu čime su definisani osnovni pravci djelovanja lokalne izvršne vlasti za 2019. godinu. Vijeće je u proteklom godini usvojilo niz bitnih Odluka, ukupno njih 62 važne za razvoj općine Trnovo.



Usvojen Budžet Općine Trnovo za 2019. godinu

Općinsko vijeće Trnovo je na 16. redovnoj sjednici 26. decembra 2018. godine usvojilo Budžet Općine za narednu godinu koji iznosi 28.242.423,89 KM.

Usvojena je i Odluka o izvršavanju Budžeta Općine Trnovo za 2019. godinu kojom se uređuju struktura prihoda i primitaka, rashoda i izdataka budžeta, njegovo izvršenje, prioriteta plaćanja i finansijsko izvještavanje. Izdvojiti ćemo da kada je riječ o planiranim izdacima za bruto plaće i naknade izdvaja se 7% usvojenog Budžeta.

Općinski načelnik kazao je kako je Budžet Općine razvojni i socijalni, te da će za kapitalne projekte biti utrošeno 88% Budžeta Općine, što se odnosi na projekte: izgradnje poslovno-sportskog centra, projekte vodosnadbijevanja, izgradnje prečistača, kanalizacije, završetak izgradnje podzemne garaže na Bjelašnici, rješavanje imovinsko-pravnih odnosa, sanaciju i asfaltiranje saobraćajnica i drugih za zajednicu bitnih komunalnih projekata.



Obilježavanje Dani otpora MZ Delijaš 24.06.2018.



U organizaciji Udruženja jedinstvene organizacije boraca "Unije veterana" obilježena je godišnjica "Dani otpora MZ Delijaš". Obilježavanju su prisustvovali pripadnici boračkih populacija ali i ostali mnogobrojni građani i gosti.

Program obilježavanja sadržavao je učenje Jasina, kratki čas historije, polaganje cvijeća i odavanje počasti.

Kratko prisjećanje kroz historiju i o važnosti ovog datuma, te čuvanju od zaborava naših šehida govorio je gospodin Zakir Imamović, jedan od preživjelih heroja i predsjednik Udruženja organizatora.

Dani odreda "Šabići" 01.07.2018.

U organizaciji Udruženja ratnih vojnih invalida općine Trnovo obilježena je godišnjica formiranja odreda Šabići. Obilježavanju su prisustvovali pripadnici boračkih populacija ali i ostali građani općine. Kratko prisjećanje kroz historiju i o važnosti ovog datuma, te čuvanju od zaborava naših šehida, govorio je gospodin Emin Berilo.

Odata je počast, cvijeće su položile delegacije ispred boračkih udruženja, ispred Općine Trnovo, te delegacija ispred općinske organizacije SDA Trnovo.



Općinski načelnik prisustvovao je obilježavanju u Kalinoviku

Članovi porodica ubijenih i nestalih, kao i preživjeli logoraši kalinovačkih logora, obilaskom nekadašnjih logora, mjesta torture i ubijanja na području općine Kalinovik, polaganjem cvijeća i učenjem Fatihe obilježili su 26. godišnjicu stradanja civilnog stanovništva tog kraja. Općinski načelnik sa delegacijom ispred organa uprave i Općinskog vijeća Trnovo odao je počast i položio cvijeće.



Dan šehida

Dan šehida, koji se tradicionalno obilježava drugog dana Bajrama, prilika je da se svi građani Bosne i Hercegovine prisjete onih koji su položili svoje živote za svoje mjesto i zemlju u periodu od 1992.-1995. godine.

Općina Trnovo svake godine obilježavanje ovog značajnog datuma upriliči na centralnom spomen-obilježju Igman- Veliko polje, u organizaciji Udruženja šehida i poginulih boraca općine Trnovo.

Dan šehida je dan sjećanja na sve one koji su se svojom hrabrošću i plemenitošću u odbrani Bosne i Hercegovine uzdigli do najsvjetlijih primjera boraca za pravdu, istinu i dostojanstvo.

O važnosti ovog datuma, te čuvanju od zaborava naših šehida govorio je efendija Safet Muminović.

Na kraju svog izlaganja čestitao je svima Bajram, riječima Bajram Šerif Mubarek Olsun uz želje za dobro zdravlje i porodičnu sreću.

Brojne delegacije odale su počast i položile cvijeće na centralno spomen-obilježje šehidima u Trnovu.



Obilježen Dan “Zlatnih ljiljana” i “Zlatne policijske značke”

I ove kao i ranijih godina, u povodu 9. maja, „Dana Zlatnih ljiljana” i „Zlatne policijske značke”, Dana pobjede nad fašizmom, organizovalo se tradicionalno druženje članova.

Udruženje dobitnika najvećih ratnih priznanja “Zlatni ljiljan i Zlatna policijska značka” općine Trnovo je okupilo dobitnike, njihove porodice i ostale građane na Spomen obilježju na platou općine Trnovo, gdje je odata počast i položeno cvijeće.

Glavni organizator obilježavanja je Savez udruženja dobitnika najviših ratnih priznanja.

Ovogodišnje druženje dobitnika najviših ratnih priznanja te porodica šehida i poginulih boraca dobitnika priznanja, uz prisustvo brojnih zvaničnika, počelo je obilaskom šehidskog mezarja na Velikom polju, na Igmanu gdje je položeno cvijeće i odata počast palim braniteljima.

Na ovom mjestu organiziran je i historijski čas, na kraju kojeg su predstavnicima vlasti upućene određene poruke koje se tiču prije svega očuvanja Bosne i Hercegovine i tekovina za koje smo se borili.

Na Velikom polju odata je počast i borcima Narodno-oslobodilačkog rata (NOR).

Nakon polaganja cvijeća, odvanja počasti i historijskog časa organizovana je posjeta Ratnoj džamiji Igman gdje je proučena Jasindova i klanjana Džuma namaz.



Obilježena 25. godišnjica formiranja Prve bošnjačke brigade

Udruženje 1. Bošnjačka brigada organizator je obilježavanja 25 godišnjice Dana 1. Bošnjačke brigade. Povodom godišnjice, dana 24.03.2018. godine, održan je prigodan program, koji je započeo učenjem Jasina, polaganjem cvijeća i odavanjem počasti na centralnom šehidskom mezaristanu Veliko polje – Igman.

Na programu obilježavanja su bili prisutni pripadnici ove brigade, porodice šehida ali i ostali građani općine Trnovo. Nakon učenja Jasin-dove i polaganja cvijeća na mezarju održana je i svečana akademija u hotelu “Bjelašnica” na kojoj su dodijeljene povelje i plakete borcima ove brigade. Na svečanoj akademiji govorio je komandant brigade Selim Hamzić i ministar za boračka pitanja u Kantonu Sarajevo Muharem Fišo, poručivši da je ovo najznačajniji skup u KS jer se prisjećamo vitezova i heroja koji su sačuvali našu domovinu. Dobitnici povelja su: Ramiz Karović, Mujo Hošić, Izet Ozdić-posthumno i Smail Rizvan-posthumno, dok su plakete dodijeljene za 22 pojedinca.

Prva Bošnjačka brigada

*Skupila se vojska mlada
U odbranu svoga grada
U odbranu svoga grada
Smjelo ide
Prva bošnjačka brigada*

Strofa pjesme učenice OŠ “Zaim Kolar” Dejčići – Lamija Oručević IX-a



Obilježen Dan policije SJB Trnovo 21.septembar 2018.

Učenjem Jasina i odavanjem počasti na centralnom spomen obilježju u Trnovu obilježen je Dan policije SJB Trnovo. Organizator ovog obilježavanja je Udruženje boraca “Patriotska liga” općine Trnovo.

Pripadnici SJB Trnovo kao borbena jedinica Trnovo u pet ratnih policijskih stanica sa 285 policajaca 35 ostalih radnika SJB Trnovo shodno planu za vanredne prilike, neposrednu ratnu opasnost i rat, izvršavali borbena dejstva u svim akcijama. Najveće kolektivno ratno priznanje MUP-a R BiH “Ratnu zastavu” pored još samo dvije specijalne jedinice dobila je SJB Trnovo.

N a d a n a š n j e m obilježavanju odata je počast svim šehidima, a posebno se na ovaj dan sjetimo pripadnika SJB Trnovo.

Nakon učenja Jasin-dove, na spomen obilježju, upriličen je kratki historijski čas, koji je održao gospodin Edhem Godinjak, načelnik tadašnje SJB Trnovo, a prisutnima se kratko obratio i općinski načelnik, Ibro Berilo.



Oslobađanje Trnova

30.07.1992. godine – 30.07.2018. godine

Učenjem Jasina i odavanjem počasti na centralnom spomen obilježju u Trnovu obilježena je 26. godišnjica Oslobađanja Trnova, jedne od najznačajnijih bitki koje su se tokom protekloga rata vodile na općini Trnovo. Mještani Trnova, ratni komandanti i bivši borci prisjetili su se ratnih dešavanja i herojske borbe pripadnika i šehida jedinica Armije RBiH i policije RBiH na oslobađanju Trnova.

Nakon učenja Jasin-dove, na spomen obilježju, upriličen je kratki historijski čas, koji je održao gospodin Meho Terzo, jedan od očeva šehida kojih smo se ovog dana posebno sjetili. Prisutnima se kratko obratio i gospodin Sakib Halilović, savjetnik Federalnog ministra za pitanja boraca i invalida odbrambeno-oslobodilačkog rata.



Obilježena 24. godišnjica Diverzantske akcije

06.10.1994. godine – 06.10.2018. godine

Učenjem Jasina i odavanjem počasti na spomen obilježju za Mehanić Mirsada, jednog od pripadnika Diverzantsko – izviđačkog voda, koji je poginuo tog dana za vrijeme ove velike akcije, 06.10.1994. godine, obilježen je Dan diverzanata.

Organizator ovog obilježavanja je Udruženje dobitnika najvećih ratnih priznanja „Zlatni ljiljan“ i „Zlatna policijska značka“ općine Trnovo koji svake godine okupljaju na dan akcije sve žive učesnike i koji tog dana pješače stazom Diverzantskog voda. Ovogodišnji, treći memorijalni pohod u nizu je bio u čast poginulog diverzanta Bijelonja Edina zvanog Kreda.

Povodom ovog značajnog historijskog datuma u čast svim herojima, a posebno Mehanić Mirsada najprije je njegova porodica položila cvijeće i odala počast, a zatim delegacija ispred Ministarstva za boračka pitanja KS, delegacija ispred Općine Trnovo, delegacija ispred Saveza dobitnika najvećih ratnih priznanja „Zlatni ljiljan“ i „Zlatna policijska značka“ KS, delegacija ispred Jedinственe organizacije boraca „Unija veterana“ KS, delegacija ispred Udruženja 1. Bošnjačke brigade, delegacija ispred Udruženja „1 Slavna-111 Viteška brigada“ Sarajevo, te na ovaj način pokazali da žrtva ovih ljudi nikada neće biti zaboravljena.

Nakon polaganja cvijeća i odavanja počasti upriličen je kratki historijski čas, koji je održao gospodin Zakir Imamović, jedan od učesnika akcije koji se kroz svoje obraćanje prisjećao tih dana 1994. godine, teških trenutaka ali i njihovog herojskog stava kao učesnika u akciji. Gospodin Imamović je kazao kako on sam neće nikada zaboraviti jer je sve to preživio, ali isto tako kako mlade naraštaje treba pažljivo upoznati sa historijom našeg područja i naučiti ih da nikada ne zaborave i poštuju ovakve datume.



Socijalni segment

Općina značajna sredstva izdvaja za infrastrukturne projekte, saobraćajnice, ali svakako i za poboljšanje kvalitete života starijih i oboljelih osoba, u školovanje osnovaca, stipendiranje srednjoškolaca i redovnih studenata, te poboljšanje životnog standarda na općini.

Briga za sve kategorije stanovnika općine

Općina Trnovo svojim aktivnostima djeluje i u cilju pružanja pomoći osobama oboljelim od teške bolesti, karcinoma. Znamo kako osobe oboljele od ove bolesti nailaze na velike prepreke, okružene su barijerama koje im otežavaju život stoga im je potrebna podrška, Općina Trnovo svakom oboljelom stanovniku od teške bolesti pruža simboličnu novčanu pomoć za liječenje u iznosu od 500,00 KM. Da biste ostvarili ovu novčanu pomoć jednokratno u toku Budžetske godine potrebno je dostaviti dokaz u vidu lječničkog nalaza i ispunjen zahtjev za jednokratnu pomoć. Zahtjev možete preuzeti na šalter-sali Općine.

Služba za opću upravu, društvene djelatnosti, boračko-invalidsku, dječiju i socijalnu zaštitu Budžetom za tekuću godinu planirala je i utrošila sredstva za žene preko 55 godina života u stanju socijalne potrebe a koje nisu zasnivale bračnu zajednicu. Ukupno 24 žene koje imaju prebivalište na području općine Trnovo su ostvarile pravo na novčanu pomoć po ovom osnovu.



Stipendiranje

Za školsku 2018./2019. godinu Budžetom su planirana sredstva za stipendiranje učenika i studenata. Pravo na stipendiju prethodne godine ostvarilo 65 stipendista, od toga 19 studenata i 46 učenika srednjih škola, a prema novom pravilniku o stipendiranju, studenti tehničkog i medicinskog smjera su ostvarili stipendiju u iznosu od 120,00 KM, njih 8, za studente društvenih smjerova 100,00 KM i za učenike srednjih škola 80,00 KM.

Božićnice

Općinski načelnik dodijelio je jednokratna novčana sredstva- božićnice za 41 pravoslavnu porodicu sa područja Trnova u iznosu od po 100, 00 KM u povodu Božića i poželio zdravlje i prosperitet, te naglasio da je raznolikost kultura i tradicija naše općine bogatstvo koje trebamo njegovati, a praznici su jedinstvena prilika za obnavljanje veza i zajedništva.

“Božić me uvijek podsjeti na važnost međusobnog uvažavanja, poštovanja i razumjevanja. Svim vjernicima pravoslavne vjeroispovijesti upućujemo najiskrenije čestitke u povodu nastupajućeg praznika, sa željom da ga provedete u miru, ljubavi i zdravlju, okruženi članovima svoje porodice, prijateljima i komšijama”.

Zašto pelet?

Drveni pelet se proizvodi iz usitnjenog drveta, prešanog pod velikim pritiskom koji omogućava prirodno vezanje drveta. Peleti su ekstremno gusti i imaju mali udio vlage (<10%). Pri izgaranju peleti proizvode znatno manje emisije NOx, SOx, te CO od dozvoljenih graničnih vrijednosti. Proizvodnja drvenih peleta počela je u Europi i SAD-u za vrijeme naftne krize 70-ih. Peleti su pružili jeftinu i kvalitetnu zamjenu lož ulju za vrijeme trajanja krize. Popularnost su stekli ponovo 90-tih kada su zemlje počele poticati upotrebu obnovljivih izvora energije. Drveni peleti su mali i pravilnog oblika što omogućava automatsko doziranje s vrlo finim podešavanjem. Pelet proizveden isključivo od drveta, bez ikakvih dodataka, stoga ne sadrži nikakve tvari štetne po zdravlje. Drveni pelet je štedljiv, te održivi energent. Kod odabira peleta potrebno je obratiti pažnju na kvalitetu proizvođača. Kvaliteta peleta je posebno bitna u domaćinstvima, gdje peleti upitne kvalitete mogu izazvati vrlo štetne posljedice.

Iz kompanije Farang, koja djeluje na području općine Trnovo i bavi se proizvodnjom i prodajom peleta, kažu kako je peletiranje drvnog otpada „proces koji ima svoju perspektivu i donio je mnogo pozitivnih efekata“ kada je u pitanju privreda u BiH.



INTERVJU: Armin Smječanin, direktor kompanije „Farang“

Koliko ste zadovoljni sa saradnjom sa Općinom Trnovo i zašto ste izabrali općinu Trnovo kao sjedište svoje firme?

Što se tiče naše saradnje sa Općinom Trnovo, ona je na izvanrednom nivou, sve što je bilo u nadležnosti službi Općine Trnovo u administrativnom smislu nije uopšte bilo nikakvih problema niti poteškoća, sve papire smo dobili na vrijeme. Iskreno, Trnovo nije bila prva opcija za sjedište naše firme. Prvo smo pokušali da registrujemo našu firmu u Visokom jer se tamo nalazi zona drvne industrije, poslije smo pokušali još na par lokacija ali bezuspješno. Na kraju smo se odlučili za Trnovo kojim smo zadovoljni cjelokupnim ambijentom. Danas „Farang“ d.o.o. zapošljava 8 ljudi od kojih je njih četvero iz Trnova.

Kada ste zvanično započeli sa radom?

Ovaj projekat je pokrenut prije godinu i pol dana, odnosno tačnije u decembru 2017.godine kada smo kupili zemljište, gdje smo prije svega uradili adaptaciju zemljišta nakon koje smo počeli graditi objekat za proizvodnju koja je trajala godinu dana sa svom pratećom dokumentacijom. Nakon godinu dana smo počeli sa proizvodnjom i plasiranjem peleta na tržište.



Mladi Armin uspješno vodi porodičnibiznis

Sa obzirom da proizvodite pelet relativno kratak vremenski period, jeste li uspjeti plasirati svoje proizvod na tržište?

Naš cilj je obezbijediti lokalno stanovništvo, jer se mnogo ljudi u Trnovu grije na pelet, poslije u budućnosti planiramo i proširiti plasman našeg proizvoda ne samo na teritoriju Bosne i Hercegovine, nego i na teritoriji zemalja koje pripadaju Evropskoj uniji. Mi želimo biti među kvalitetnim proizvođačima, a vjerujem u princip „lokalno-lokalnom“. U toku protekle godine smo došli do podataka da samo grad Sarajevo troši u prosjeku oko 50.000 tona peleta u toku jedne godine dok je proizvođački kapacitet bio oko 36.000 tona peleta, dakle proizvodnja peleta u toku godine je uveliko ispod nivoa potražnje. U toku jedne godine naša proizvodnja se kreće od oko 2000 tona peleta i polako ćemo pokušati povećati svoje kapacitete u narednom periodu, tako da spadamo u neku srednju klasu što se tiče kapaciteta proizvodnje.



Kako ste Vi zadovoljni poslovanjem u ovom kratkom periodu?

Svaki početak je težak, mi smo relativno nova kompanija kada je u pitanju proizvodnja peleta, može se reći da još uvijek učimo ali kao takvi težimo perfekciji. Svim našim kapacitetima smo usmjereni na kvalitet a ne na kvantitet našeg proizvoda.

Je li cijena peleta različita u odnosu na vrijeme grijne sezone?

Naš cilj je da tokom cijele godine cijena peleta bude ista, sa obzirom da cijena varira u zavisnosti u kojem mjesecu se pelet nabavlja a i u zavisnosti od toga ko preprodaje pelet, dakle u stvarnosti cijena peleta ne zavisi direktno do proizvođača nego od toga ko taj pelet preprodaje. Kvalitet peleta je također jako bitan i on također diktira cijenu. Mi isključivo u proizvodnji koristimo čito drvo bez ikakavih dodataka, i to isključivo bukvu i jelu, u pravom omjeru, a svaki proizvod koji želimo da plasiramo na tržište smo testirali i do sada još uvijek nismo imali nijedan prigovor.

Kakvi su razvojni planovi vaše kompanije?

Trenutni nedostatak je manjak zemljišta i na tome moramo da radimo da se koliko god bili u mogućnosti proširimo kako bi smo imali više prostora za manevrisanje sa sirovinom. Dalji naš plan je da objezbijedimo veće mašine koje će proizvoditi više peleta i tako ćemo vjerovatno uvesti i treću a sa time zaposliti još par radnika.

Mnogo sreće i uspjeha u radu Vam želimo.
Hvala i Vama za interesovanje.

Tipski kiosk za prodaju rukotvorina

Davanjem u zakup tipskih kioska Općina Trnovo ima za cilj pospješene razvoja turizma na području općine Trnovo ali i unaprijeđenje prodaje poljoprivrednih proizvoda i rukotvorina karakterističnih za ovo područje, kao i otvaranje novih radnih mjesta.



Jedan od korisnika je Elma Sadović, apilicarala je po prvom raspisanom javnom pozivu Općine i danas uspješno posluje.

„POČNITE SAMI SVOJU KARIJERU“

Ranije dok sam bila zaposlena kod privatnika kao i kod mnogih drugih, ni kod mene uslovi nisu bili baš sjajni. Prekovremeni rad, kašnjenja plata, sukob sa nadležnima, te mnogi drugi faktori utjecali su na mene kao radnica da završim radni odnos kod privatnika. Dugo vremena bila sam prijavljena na birou, tražeći sebi odgovarajući posao. Jedne prilike vidjela sam da je općina Trnovo objavila konkurs samozapošljavanja, pa sam otišla saznati o čemu je riječ. Obzirom da su mi uslovi odgovarali, prijavila sam se na konkurs i odlučila otpočeti vlastiti biznis. Dobila sam manji poslovni prostor na Bjelašnici, gdje sam razvila srodnu djelatnost. Naime, bavim se rentanjem sanki i prodajom kuhanog kukuruza u zrnu i klipu. Bjelašnicu posjećuje mnogo ljudi, kako naših sugrađana tako i turista iz raznih država. Mnogi od njih zainteresuju se kada u zimskim mjesecima uvide priliku kupiti kuhani kukuruz. Djeci nije zanimljiva šetnja ili sjediti na mjestu čitav dan zato sanke koje posjedujem sa raznim sličicama likova iz crtanih filmova ih obraduju te se rado sankaju na sniježnom prekrivaču naše divne planine. Na osnovu ovoga moja lična zarada je dovoljna, te pokriva sve moje troškove. Što se tiče saradnje sa općinom Trnovo jako sam zadovoljna. Moja firma "ELMA S" je pod ugovorom sa općinom već godinu dana i do sada nije bili nikakvih nesuglasica, naprotiv u slučaju nekog problema uvijek su mi izlazili u susret. Na ovaj način riješila sam problem nezaposlenosti, formirala sam svoj vlastiti biznis i više se ne brinem da li ću zadovoljiti nemoguće uslove rada ko će mi diktirati kako da radim. Kao što se u narodu kaže "SAM SVOJ GAZDA", završava Elma.



Projekat "Vođenje matičnog knjigovodstva- uzgojno selekcijski rad (ovčarstvo)"

Općina Trnovo je u mjesecu septembru tekuće godine potpisala memorandum o saradnji sa Federalnim zavodom za poljoprivredu Sarajevo, koji se odnosi na aktivnosti obje strane kako bi se permanentno unaprijeđivalo stanje u poljoprivrednoj proizvodnji na poljoprivrednim gazdinstvima sa područja općine Trnovo. U sali Općine, u oktobru mjesecu održan je stručno edukativni sastanak sa poljoprivrednim proizvođačima ove općine, na kojem su prisustvovali predstavnici Federalnog zavoda za poljoprivredu i predstavili projekat "Vođenje matičnog knjigovodstva - uzgojno selekcijski rad (ovčarstvo)". Na sastanku je prisustvovao i Općinski načelnik koji je ovom prilikom zamolio sve poljoprivredne proizvođače za strpljenje i ustrajnost kako bi uspješno proveli ovaj projekat, koji će finansirati Općina i u kojem smo prva općina u Federaciji BiH, a zapravo krajnji rezultat je zaštita poljoprivrednih proizvođača i prosperitet građana općine Trnovo u ovom djelovanju. Predstavnici Zavoda zahvalili su se općinskom načelniku na prisustvu i istakli još jedanput da je Općina Trnovo prva općina u Federaciji koja je prepoznala ovaj projekat, koji će urediti stanje u poljoprivrednoj proizvodnji farmera općine Trnovo i time omogućiti izlazak na tržište kako domaće tako i strano.

Iz Službe za privredu, finansije i lokalni ekonomski razvoj Općine Trnovo ovim putem upozoravaju građane na praćenje rokova za ažuriranje u registru poljoprivrednih gazdinstava, kako bi stekli pravo za ostvarivanje podsticaja u poljoprivredi na svim nivoima.



Radni sastanak civilne zaštite KS održan u općini Trnovo

Za mjesec septembar redovni mjesečni sastanak direktora Kantonalne uprave civilne zaštite sa pomoćnicima načelnika službi civilne zaštite svih općina Sarajevskog kantona održan je u sali Općine Trnovo. Na sastanku je prisustvovao i općinski načelnik, gospodin Ibro Berilo koji je pohvalio praksu održavanja sastanaka ovakve vrste i smatra da ovakvi sastanci trebaju da budu ustaljena praksa kako bi se problemi iz oblasti zaštite i spašavanja rješavali mnogo brže i efikasnije. Na dnevnom redu ovog sastanka su se našli svi tekući problemi iz oblasti zaštite i spašavanja na teritoriji svake općine u Kantonu Sarajevo. U toku današnjeg sastanka svaki od pomoćnika načelnika službi civilne zaštite je iznio tekuće probleme svoje općine iz ovog područja djelovanja, nakon čega su svi prisutni mogli da ostvare uvid u stanje na teritoriji svake općine pojedinačno. Sastanak je bio konstruktivnog karaktera iz kojeg su proizašli ozbiljni prijedlozi za rješavanje onih problema koji koji su uglavnom i zajednički za sve općine. Obzirom na to da je Bosna i Hercegovina još uvijek nedovoljno razvijena država i da se relativno jako mali broj finansijskih sredstava ulaže u materijalno opremanje struktura civilne zaštite, zajednički ciljevi i stavovi svih prisutnih je da se poboljša rad civilne zaštite. Mnogo se razgovaralo i o mjerama zaštite i spašavanja i adekvatnijim odgovorima na prirodne nesreće. Direktor je na kraju iznio svoj stav da će sastanci ove vrste biti ustaljena praksa u budućnosti kako bi sve strukture civilne zaštite na teritoriji Sarajevskog kantona zajedničkim snagama i resursima mogle efikasnije da odgovore na probleme iz oblasti zaštite i spašavanja ljudi i materijalnih dobara.



Isplata općinskih podsticaja poljoprivredi

U novembru mjesecu je Općina Trnovo objavila javni poziv za ostvarivanje prava na novčane podsticaje u poljoprivredi. Pravo na direktni novčani poticaj ostvarila su fizička i pravna lica koja imaju prebivalište na području općine Trnovo a bave se uzgojom i držanjem matičnog stada ili vode matično knjigovodstvo-uzgojno selekcijski rad (ovčarstvo i govedarstvo). Ovim javnim pozivom obuhvaćena su i nagrađena i lica koja se uspješno bave biljnom proizvodnjom.

Imenovana komisija za provođenje postupka dodjele novčanih podsticaja u poljoprivredi obišla je sva prijavljena gazdinstva, izvršila uvid na terenu i utvrdila činjenično stanje te konstatovala da prijavljena lica posjeduju stoku koju su prijavili putem Javnog poziva.

Novčane poticaje za animalnu proizvodnju: pčelarstvo – ostvarilo je 22 lica, ovčarstvo 45 lica, govedarstvo 62 lica. Za vođenje matičnog knjigovodstva – uzgojno selekcijski rad pravo je ostvarilo 10 lica, dok za uspješnu biljnu proizvodnju nagrađeno je novčanim podsticajem 14 lica.

Općinski načelnik je skrenuo pažnju na potrebu da se još više pomogne razvoj poljoprivrednog sektora u općini Trnovo. Kazao je kako ima dobre ideje zajedno sa nadležnom Službom..“naš investicioni fond za ovu oblast, za poljoprivredne podsticaje će biti još bolje raspoređen, ali želim napomenuti i da će se vršiti kontrola potencijalnih korisnika u fazi proizvodnje na terenu, kao i tokom prikupljanja i obrade dokumentacije”.



Završen projekat uspostave i održavanja podataka adresnog registra

Adresni registar je evidencija svih naselja unutar naseljenih mjesta i kućnih brojeva stambeno- poslovnih objekata na području lokalne zajednice.

Prednost novih registara je što su u digitalnom obliku i koriste tehničke podatke digitalnog katastrskog plana i ortofotogrametrijskih snimaka. Riječ je o projektu u kojem su adresnim brojem označeni svi objekti, uz uspostavu elektronske baze u koju su uneseni svi podaci, uključujući i lokacije svih izgrađenih poslovnih i privatnih objekata. Uspostavljanjem adresnog registra kompletirana je elektronska baza podataka za općinu Trnovo. Napominjemo da je u 2016. godini pokrenut projekat numerisanja objekata u naseljenim mjestima na području općine. Potvrdu za kućni broj možete preuzeti svakog radnog dana od 8-16 sati u prostorijama Općine Trnovo.

Završena izrada strategije razvoja Općine Trnovo za period 2018. – 2022.

Nositelj izrade ovog strateškog dokumenta je Općina, a kao glavne snage na kojima treba temeljiti daljnji društveni i privredni razvoj ističu se značajni prirodni resursi. Cilj ove strategije, između ostalog, je i da ukaže na pravce i konkretne projekte putem kojih se može najdirektnije poduprijeti razvoj općine Trnovo. Planskim pristupom do unaprijeđenja područja općine Trnovo.

Dani Kantona Sarajevo – općina Trnovo 02.– 09.05.2018. godine

U sklopu manifestacije “Dani Kantona Sarajevo” u Osnovnoj školi “Zaim Kolar” Dejčići organizovana su dva predavanja u organizaciji JU Dom zdravlja KS-OJ Trnovo.

Za učenike petog i šestog razreda OŠ “Zaim Kolar” održano je predavanje na temu “Zloupotreba antibiotika u dječijoj dobi”, predavanje je održala doktorica Amra Mehmedagić: “Mnogi liječnici koji se bave liječenjem djece bili bi zadovoljniji kada bi imali veću mogućnost dostupa mikrobiološkim laboratorijima jer bi onda mogli provoditi uspješniju antibiotsku terapiju. Zbog toga i naš dom zdravlja uporno insistira na zapošljavanju laboranta. Iz navedenog razloga antibiotik se često, već pri prvom pregledu prepisuje djetetu, što onda vodi i u nepotrebnu i u



nepravilnu primjenu antimikrobnih lijekova. Međutim, sa ovakvim brzim prepisivanjem antibiotika, često su zadovoljni i sami roditelji, jer misle da će bolest njihova djeteta tako brže proći, ali i bez manje komplikacija.” Istog dana u prostorijama škole za učenike osmog i devetog razreda održano je predavanje na temu “Reproduktivno zdravlje kod mladih” koje je držala dip.med.sestra Elma Zukanović: “Zdravstvena edukacija mladih treba biti usmjerena ne samo na povećavanje znanja kod mladih, nego i na pružanje podrške, te razvoj socijalnih vještina potrebnih za izbjegavanje rizičnog ponašanja, prevenciju spolno prenosivih bolesti i neželjenih trudnoća. Aktivno učešće mladih u preventivnim programima pridonosi razvoju samopoštovanja i odgovornom spolnom ponašanju.



Edukativno predavanje o zdravlju žene

Projekat PRO-Budućnost: Međureligijsko upoznavanje

Nakon što su za Vaskrs zajedno farbali jaja, djeca Trnova su na drugi dan Bajrama, zajedno sa sveštenikom Mladenom Mikavicom i efendijom Mirelom Okanovićem družili uz baklavu i sokove. Druženja su organizirana u sklopu aktivnosti „Međureligijsko upoznavanje sa vjerskim običajima za Vaskrs i Bajram“ kao aktivnost Radne grupe Trnovo, projekta PRO-Budućnost, uz koordinaciju partnerskog Udruženja “InfoHouse”.

Djeca koja su u aprilu bila domaćini drugarima na radionici farbanja jaja, okupila su se ispred crkve Svetog velikomučenika Georgija i sa sveštenikom Mladenom Mikavicom krenuli put džamije u Trnovu, gdje su ih, uz tradicionalne bajramske kolače – baklavu i ružicu, sokove i mevludske bombone, dočekali Mirel efendija Okanović i njihovi vršnjaci. “Bili smo vaši gosti u aprilu na Vaskrsu, i sretni smo da vas danas možemo dočekati na naš najveći blagdan – Bajram. Počastićemo vas tradicionalnim kolačem koji se služi gostima na Bajram – baklavom, a tu je i ružica koja je također česta u tim prilikama”, kazao je efendija Okanović na početku druženja, na kojem je govorio o običajima vezanim uz Bajram, Ramazan i drugim običajima za koje su se gosti zanimali. Druženje je organizirano u prostoriji mekteba-vjerske škole u sklopu džamije, a gosti su imali priliku obići i unutrašnjost džamije i saznati sve detalje. Druženje je podržano kroz aktivnosti radne grupe Trnovo USAID-ovog projekta PRO-Budućnost.



Smotra folklor

Na izletištu Javorov do, početkom mjeseca jula protekle godine održana je smotra folklor pod nazivom "Bjelašničke staze" u organizaciji KUD "Biseri Bjelašnice" iz Trnova. Tradicijska kultura jedan je od bitnih i prepoznatljivih elemenata Trnovskog kulturnog identiteta.

Ciljevi organiziranja smotre folklor pod nazivom "Bjelašničke staze" je očuvanje i promoviranje tradicije koja zauzima značajno mjesto u kulturi i turizmu. Spoj kulture i turizma svakako će utjecati na poboljšanje i obogaćivanje turističke ponude navedenih destinacija. Lokalna zajednica je prepoznala značaj ovog događaja u smislu što bolje promocije Trnova, turizma i kulture ovog područja te je finansirala ovaj događaj.

Općinski načelnik otvorio je ovaj kulturni događaj kao jedan od dobitnika Zahvalnice za doprinos u radu kulturno umjetničkog društva "Biseri Bjelašnice", te je u svom obraćanju istakao značaj ove manifestacije, kazavši da

je važna najprije za očuvanje historije ovog područja ali i širenje suradnje, uspostavljanje novih prijateljstava, afirmaciju kulture i tradicije i poticanje zanimanja domaće i svjetske javnosti za bogatstvo tradicijske kulturne baštine i historije ovog mjesta.

Veliki broj građana, mladih ljudi jučer je posjetilo Javorov do i prisustvovalo kulturnoj manifestaciji u organizaciji Općine Trnovo i KUD "Biseri Bjelašnice".



Obilazak porodica šehida povodom Bajrama

U povodu ramazanskog Bajrama delegacija ispred Općine i boračkih udruženja posjetila je supruge šehida, članove Udruženja organizacija porodica šehida i poginulih boraca Trnovo. Podsjećamo Općina je najprije u martu povodom dana Općine Trnovo posjetila sve roditelje šehida.

Svim porodicama šehida sa područja naše općine uručene su novčane hedije i prigodni poklon.

Predsjednica Udruženja porodica šehida, gospođa Sifa Dreca istakla je kako je zahvalna Općini Trnovo, za podršku Udruženju i ovoj populaciji. Udruženje je protekle sedmice organizovalo iftar za sve članove, a sada i obilaske zajedno sa predstavnicima Općine. Ističe kako za porodice šehida nije važan novac ili bilo kakav poklon već njegovo značenje da nisu zaboravljeni i da neko pamti njihovu tragediju. Pomoćnik općinskog načelnika, Esad Velić je rekao kako ova lokalna zajednica nastoji da na simboličan način iskaže poštovanje prema onima koji su u odbranu naše države dali ono najvažnije, svoje živote. Gospodin Esad Velić ističe da svake godine na osnovu spiska koji dostavi Organizacija porodica šehida i poginulih boraca, Općina dodjeljuje jednokratnu novčanu pomoć porodicama šehida i poginulih boraca.



Akcija dobrovoljnog darivanja krvi

Prva u nizu za 2018-tu godinu akcija dobrovoljnog darivanja krvi održana je u osnovnoj školi "Zaim Kolar" u Dejčićima. Akcija popularnog naziva "DARUJ KRV SPASI ŽIVOT" u organizaciji Crvenog križa Trnovo ističe činjenicu da je potreba za krvi kontinuirana pa je važan stalni odziv građana na organizirane akcije darivanja krvi, kako bi se osigurale dovoljne količine doza krvi potrebnih za normalan i redovan rad zdravstvenih ustanova.



Ifeta Krupalija, sekretar CK Trnovo u ime organizatora zahvaljuje svim današnjim darovateljima tečnosti koja život znači, njihov osjećaj i darivanje krvi za druge je primjer pravog međuljudskog odnosa. Akciju sprovodimo u saradnji sa Zavodom za transfuzijsku medicinu Federacije BiH. Ukupno se 10 osoba prijavilo za darivanje krvi, a nakon medicinskog pregleda, krv je darovalo 7 osoba.

Jedan od redovnih davalaca krvi rekao je: "Redovno dajem krv kada god imam priliku za to, jer na taj način činim jedno dobro djelo. Pozvao bih ovom prilikom sve koji mogu i koji su u prilici da slijede moj primjer i da postanu dobrovoljni darivaoci krvi", kazao je Muris Mulaosmanović.

U sklopu ove akcije učenici pri sekciji Prve pomoći u osnovnoj školi "Zaim Kolar" iskoristili su priliku i promovirali dobrovoljno darivanje krvi izradom panoa.




Darivanje krvi

Akcija popularnog naziva "DAROVANA KRV SPAŠEN ŽIVOT" održana je u sali Općine Trnovo ponovno u organizaciji Crvenog križa Trnovo.

Ifeta Krupalija, sekretar CK Trnovo zahvalila je svim današnjim darovateljima krvi, posebno je istakla hrabrost stalnih darovateljica krvi, koje već 8-i ili 10-i put daruju krv u akcijama koje sprovodimo.

Budimo humani!



Posjeta općinskog načelnika gradu Dubrovniku

Općinski načelnik protekle sedmice bio je u zvaničnoj posjeti u Dubrovniku. Na sastanku sa gradonačelnikom Dubrovnika, gospodinom Matom Frankovićem razgovaralao se o razmjena iskustava u upravljanju i nadležnostima lokalne samouprave. Turistička ponuda grada Dubrovnika, ali i njihova organizacija i promocija je rezultirala zavidnim imidžom Dubrovnika kao turističke destinacije, s druge strane općina Trnovo sa velikom potencijalom za razvoj turizma takav jedan imidž želi postići. Općinski načelnik Ibro Berilo konstatno radi na segmentu turizma ali i širenju prijateljstava Općine Trnovo i unaprijeđenju saradnje na razmjeni iskustava.



Ekološka akcija

Povodom Dana planete Zemlje, koji se obilježava 22. aprila u više od 150 zemalja širom svijeta, na području općine Trnovo je održana velika ekološka akcija čišćenja "Čisto i lijepo moje mjesto življenja".

Cilj akcije je bio da bude prikupljeno što više otpada koji ugrožava našu životnu sredinu. Komunalno preduzeće "Trnovo", uposlenici općine, udruženja, društva i veliki broj građana učestvovali su u ovoj proljetnoj akciji čišćenja i uređenja ulica i puteva, javnih površina, privatnih dvorišta i okućnica.

U okviru akcije EPD Treskavička jezera Trnovo je zasadilo 100 novih stabala na lokalitetima saniranih klizišta na području općine Trnovo.



Općina, kao organizator akcije, kroz ovu i slične aktivnosti nastoji da obezbijedi čisto i lijepo okruženje za sve građane općine, ali i sve one koji se odluče provesti trenutke odmora na području općine Trnovo, te ujedno podići svijest građana o važnosti zaštite životne sredine.

"Čuvajmo našu životnu sredinu zbog generacija koje dolaze iza nas." nju prijateljstava Općine Trnovo i unaprijeđenju saradnje na razmjeni iskustava.



U Općini Trnovo u protekloj godini je 14 parova izreklo svoje sudbonosno „Da“.

Građanski brak, zakonom uređena životna zajednica žene i muškarca sklapa se saglasnom izjavom pred matičarem. Sklapanje braka je jednostavan proces u Općini Trnovo. Uz potrebnu, zakonom propisanu dokumentaciju vjenčanje u Općini i na njenom cjelokupnom teritoriju je dostupno svakim danom. Svi potrebni obrasci za prijavu vjenčanja su besplatni i dostupni na šalter-sali Općine.

Prema socijalnom programu Općine, po prvi put Budžetom iz 2017. godine dodijeljivana su sredstva za potporu novovjenčanih parova. Općina Trnovo će sada već treću godinu za redom, i u tekućoj 2019. godini novim bračnim parovima isplaćivati jednokratnu novčanu pomoć – poklon u iznosu od 500,00 KM. Na ovaj način Općina želi pomoći mladima u zasnivanju porodice.

Bračni par Ćosić/svečani čin u sali Općine: “Ovo je divan projekat, koji zasigurno puno znači svakom mladom bračnom paru...”



U 2018. godini u Općini Trnovo upisano je 12 beba u matičnu knjigu rođenih

Općina već četiri godine obezbjeđuje dodatne naknade porodicama za svako novorođeno dijete. Naime, općina je 2015. godine donijela odluku kojom se odobrava isplata novčanih sredstava iz Budžeta Općine za novorođenu djecu u periodu od 12 mjeseci, u iznosu od 50,00 KM mjesečno a koja su upisana u matičnu knjigu rođenih Općine Trnovo i čiji roditelji aktivno žive na teritoriji iste.

Cilj projekta je podstaći natalitet na području općine Trnovo.

Općinski načelnik je prilikom uručjenja jednokratnih pomoći rekao kako oba projekta imaju pozitivan odjek, i kako matični ured Općine bilježi porast broja vjenčanih i rođenih, što je svakako više nego dovoljan razlog da nastavimo sa realizacijom istog.

Čestitka povodom Dana Općine Trnovo





Prirodne ljepote Općine Trnovo